



# Kronprinsen besøker innovasjonsmiljøet i Stavanger

---

**Onsdag 16. november besøker H.K.H. Kronprinsen Stavanger. Han skal møte innovasjonsmiljøet i regionen.**

Det blir besøk hos både Smart Plants på Forus og Innovation Dock på Siriskjeret i Stavanger.

## **Bedriftsbesøk hos Smart Plants**

Kronprinsen kjem til Forus-bedrifta [Smart Plants](#) (Lagerveien 9, 4033 Stavanger) om lag **kl. 11.00**. Denne bedrifta har spesialisert seg på smart teknologi som effektiviserer straumforbruket i bygningar. Systemet overvakar og analyserer vær og vind og kan gi store årlege innsparingar økonomisk – og mindre CO2-utslepp. Smart Plants er ein del av [Creator Makerspace](#)-miljøet, ein spennande arbeids- og møteplass for nyskaparar. Her blir det mellom anna bygd droner og elektriske sykklar. Verkstaden har alt frå tre-, metall-, elektronikkverkstad, til den største heimelaga 3D-printeren i Skandinavia.

## **Innovation Dock**

Etter besøket på Forus, går turen vidare til [Innovation Dock](#) i Stavanger. Her blir det lunsj i lag med gründerar og inviterte frå innovasjonsmiljøet. Innovation Dock blei starta i januar 2015 og skal vera ein plattform for vekstselskap, men også møteplass for idear, innovasjon og ny vekst. Innovation Dock utvidar nå og skal ha plass til over 200 gründerar og innovatørar. Kronprinsen kjem hit om lag **kl. 12.00** (Innovation Dock, Bryggerikaaien 24 (Siriskjeret), 4014 Stavanger).

## **Bakgrunnen for besøket**

Kronprinsen skal delta på [Slush 2016-konferansen](#) i Helsinki i månadsskiftet november/desember. Dette har blitt den leiande møtestaden i Europa for gründerar, investorar og teknologi med rundt 15 000 deltakarar. Fleire selskap frå Stavanger-regionen skal delta. Kronprinsen vil møte dei som drar i år – og høyra om erfaringane til dei som har deltatt på Slush-konferansen tidlegare. Stavanger-regionen har opplevd den største gründerbølga i Norge, og nå er tida inne for å utvikla desse til vekstkraftige bedrifter. Innovasjon Norge har ei viktig rolle som tilretteleggjar for at gode gründerar skal bli endå betre, lukkast raskare og veksa internasjonalt.

## **Akkreditering**

Presse som ønskjer å dekkja kronprinsbesøket i Stavanger 16. november, sender ein e-post med namn, redaksjon og kontaktinformasjon (e-post og mobil) til journalist/fotograf til [John Gunnar Skien](#),

kommunikasjonssjef hos Fylkesmannen i Rogaland innan **måndag 14. november kl. 12.00**.  
[Presseprogrammet blir lagt ut på denne sida når det er klart.](#)

#### **Meir informasjon**

- [Christian Lagaard](#), kommunikasjonsrådgivar, Det kongelige hoffet. Mob. 974 74 755
- [Jøran Orstad Johnsen](#), kunderådgivar, Innovasjon Norge Rogaland. Mob. 990 31 149
- [Sjur Eivind Usken](#), Smart Plants. Mob. 969 99 902
- [Jan Tore Usken](#), partneransvarleg, Creator Makerspace. Mob. 924 43 136
- [Nils-Henrik Stokke](#), Innovation Dock. Mob. 404 51 984

Beste helsing

**John Gunnar Skien**

Kommunikasjonssjef, Fylkesmannen i Rogaland

Epost: [fmroigs@fylkesmannen.no](mailto:fmroigs@fylkesmannen.no)

Tlf. 51 56 88 30 Mobil. 909 98 144 Sentralbord: 51 56 87 00 Telefaks: 51 52 03 00

Adresse: Statens Hus, Lagårdsveien 44, Postboks 59, 4001 STAVANGER

Web: [www.fylkesmannen.no/rogaland](http://www.fylkesmannen.no/rogaland)